

Skola Curley K-8



Manual di Familia 2021-2022

Upper School
493 Centre Street
617-635-8176

Lower School
40 Pershing Road
617-635-8239

[Curley K-8 School Website](http://www.curleyk8.com) - www.curleyk8.com

9 di setenbru di 2021

Prezados Pais/Enkarregadus,

Benvindu a Skola Curley K-8! Mi ku funsionáriu di Curley sta kontenti pamodi nhos é parti di nos kumunidadi eskolar. Konformi artikuladu na nos deklarason di vizon, *“Na Skola Curley K-8 nu ta kuida ku nos kabesa, preokupa ku kunpanheru i ku nos kumunidadi. Através di trabadju di ekipa, di uzu di dados, di pratikas di ensino envolventis i di apoio di komunidadi, nos alunas ta alkansa susesu akadémiku i sosial.”*

Pajinas di es manual sta xeiu di informasons inportanti relasionadu ku pulítikas i prusidimentus di skola. Pais i alunas debe analiza kel konteúdu djuntu. Si bu teni algun pregunta, pur favor txoma pa sekretaria di skola (617-635-8239 ô 617-635-8176). Nu ta akredita fortimenti ma kumunikason klaru i abertu é inportanti pa susesu di nos programa edukasional. Pais di Curley é nos parserus na trabadju inportanti di eduka kriansas di nos kumunidadi.

Na primeru dia di skola, profesor di bu fidju ta manda casa alguns papel mutu inportanti na un pasta di kumunikason ki bu debe analiza ku bu fidju, sina i divolve-l más rápidu pusível. Nhos xinti a vontadi di entra en kontatu ku nos si nhos teni kalker pregunta.

Sinceramente,

Katie Grassa
Diretora

Skola Curley K-8 Kódigu di Konduta

Es ano nos korpu dosenti ta kontinua implementason di apoio di konportamentu puzitivu universal (PBIS) pa garanti ki tudu alunas ta resebi instruson klaru i konsistenti sobri nos prinsipal valoris durante ses dia na skola i tudu ano letivo na skola Curley. Nu ta akredita fortimenti ma ensinu explisitu di abilidadis sosio-emusional é un parti krítiku di ses experiensias di aprendizagen na tudu nível di ensino. Nu ten tres spektativas kumun ki nu ta ensina alunas:



sentral. Pais/enkarregadus ki ta bai pa sala di aula di ses fidju debe uza un passi di vizitanti.

Orário di skola: orário di skola pa tudu alunus pa ano letivo 2021-2022 é di 8:15 di palmanha ti 15:10 di tardi. Tudu alunus debe sta na skola 8:30 di palmanha i prontu pa apreñdi. Es pulítika ta ser aplikadu ku rigor.

Preparason pa Skola: visto ki alunus ta bai pa skola tudu dia, é bon sertifika ma es teni tudu kuza ki es meste pa ses dia na skola: bolsa skola, livros, trabadju di casa konpletadu, papel sinadu, chromebook etc. Pur favor ka bu dexa bu fidju traze brinkedus pesoal ô aparelhus iletróniku pa skola. Tudu pertensis pesoal debe ten nomi di alunu markadu klaramenti na el. Si alunus skesi di almosu, livros, dinheru na casa, pur favor traze-s i dexa-s ku sekretaria pa ivita interronpi aulas.

Primeru dia di skola pa alunus di Jardín

Infantil: traze kriansa pa primeru dia di skola pode ser un altura txeu stresanti i emusional tantu pa es komu pa ses famílias. Profesores di K0, K1 & K2 ta sta na pátiu na parti di fora di Pershing Road frenti di salas K1 pa enkontra ku alunus na primeru semana di skola.

Xegada: Mininus ki ta anda pa skola ô ki pais ta leba skola debi txiga na pátiu di skola a partir di 8:15 di palmanha. Es ta ser supervizionadu na skola a partir di 8:15. **Kazu alunus txiga antis di 8:15, es debe partisipa na programa antis di skola.** Es pulítika podu pa garanti siguransa di nhos fidju. Alunus ki txiga antis di aulas komesa (entre 7h00 i 8h15) debi dexadu na entrada di CASP na Center St. Oras ki alunu entra na pátiu di skola, el ka ta dexa-du sai más. Pais ki kre nkontra ku profesor di ses fidju ô fala ku ses fidju duranti aula, DEBE teni un reunion markadu & sina primeru na skritório

Saída: Alunus ta dexa-du sai 15:00 di tardi. **Alunus ka debe buskadu na skola antis di kel ora li a non ser ki es teni un konsulta mediku ô en kazu di un emerjénsia di familia.** Pais debi spera ti ora di saida pa es panha ses kriansas frenti di porta. Na un raro kazu di imerjensia di famílias ô konsulta mediku ki pode kauza un demisson antesipadu, famílias debi buska ses fidjus na skritório prinsipal. Si for nisisáriu pa un kriansa sai di skola ku un algen ki é ka se pais/enkarregadu abitual, es ten ki ten autorizason por eskritu i es debe mostra identifikason ku fotu na ora di toma kriansa. Kel nota debe inklui ora, motivu pa saida i numeru di telefoni undi ki pais/enkarregadus pode kontatadu. **Tudu saidas antis di orário normal debe ser fetu na sekretaria pa motivus di siguransa. Favor observa: nu ka pode manda un kriansa pa casa ku un menor di 18 ano.**

Lugares di Saída:

K0/K1: alunus ki sta anda pa casa debe enkontradu na pátiu frenti di salas K1 na Pershing Road.
K2 & 1° serie: alunus ki ta anda pa casa debe ser enkontradu na porta lateral di parki infantil na Pershing Road.
2° & 3° serie: alunus ki ta anda pa casa debe enkontradu pertu di Porton na Centre Street.
4°-8° serie: alunus ki ta anda pa casa debe enkontradu pertu di Porton na Centre Street.
Irmons ki ta anda pa skola/casa djuntu: si bu teni un fidju ki sta na 2°-3° serie i otu fidju na K1-1 pur favor dexa profesores sabe na prinsipiu di ano, asin kel más bedju tar ser buskadu na se sala di aula pa un profesor i el ta dexa-du saí ku se irmon na Pershing Road.

Faltas & Atrazu: Bons abitus di frequensia eskolar é mutu inportanti pa ten susesu na skola. Nu ta spera ki tudu alunus ta frequenta skola di forma regular, a não ser en kazu di duensa i sirkunstánsias spesial, i prizensa ta ser uzadu pa detirmina si alunu ta passa pa prosimu serie. Pa falta ser justifikadu, pais ten ki manda un nota sinadu i ku data pa skola ta splika motivu di falta ô atrazu.

Nu ten ki resebi kel nota dentu di sete dias dipos ki alunu falta. Si alunus falta skola 2 ô más dias konsikativu, nu pode iziji un karta di dottor. Alunus ku más di 4 falta injustifikadu na kalker periodo di nota pode resebi un nota di "no credit" na ses boletin di notas ô un nota negativu, dipendendu di ses dizenpenhu akadémiku. Dipos di 3 falta injustifikadu, pais/enkarregadus ta resebi un avizu pur eskritu ta diskreve pulítika di frequensia eskolar i es pode pididu pa sisti un konfrensia. 5 falta injustifikadu pode rezulta na envolvimentu di Responsável di Absentismu Distrital i pode leba a konsikuências externus. Un kriansa ki sta volta pa skola dipos di un duensa transmisível ten ki teni un notifikason di dottor ki ta fla ma kel kriansa sta prontu pa volta pa skola antis di el ser admitidu na klasi.

Ta speradu ki tudu alunus ta txiga skola NA ORA. Alunus ki ta txiga tardi debe konparesi na skritório sentral, sina i skrebe motivu ki es sta atrazadu. Ta izijidu un konferensia ku pais di kalker alunu ki sta atrazadu pa más di 3 bes na un simestri. Alunus ku prublemas di atrazu króniku pode tanbé enkaminhadu pa responsável di absentismu. Alunus ki txiga dipos di 11:00 di palmanha ta markadu falta kel dia.

Rifeisons na Skola: Kafé i almosu ta sirbidu tudu dia na kafetarias di Skola Curley. Pikenu almosu ta sirbidu na kada skola di 8:15 a 8:35 di palmanha i tudu alunus ta kume na ses salas di aula. Nu ta oferesi pikenu almosu i almosu universal gratis. Konsulta [Kalendáriu di Almosu di Skolas Publiku di Boston](#) pa menu mensal.

Programa Antis/Dipos di Skola: Programa Dipos di Skola Curley (CASP) é di 3:00-6:00 di tardi, tudu dia ki ten un dia konpleto di aulas. Nu ka ta ten ninhun programa dipos di skolas na kes tres dias ki alunus ta dexa-du sai sedu (dia antis di ason di grasa i kes dós ultimus dias di skola). Programa ta oferesi ajuda ku trabadju di casa, enrikisimentu akadémiku i oportunitadís di rikreason tudu dia. Pur favor fala ku nos Diretor di Programa Dipos di Skola, Erika Mercado pa más informason ô manda-l un email pa: mercado@bostonpublicschools.org.

Curley tanbé ta oferesi un Programa Antis di Skola pa alunus tudu palmanha di 7:00-8:15 kordenadu pa Erika Mercado. Es programa ta oferesi

enrikisimentu akadémiku, artístiku i susial pa alunus na K1-5 atraves di un modelu di "clubs". Tudu alunus ki ta partisipa na Programa Antis di Skola ten ki prienxe un aplikason pa matrícula i ten di regista na skritório prinsipal. Oberva ma *ten un taxa pa partisipason*. Bolsa sta dispunível konformi nisisidadi.

Transporti

Alunus ta da-du transporti di autokaru di skola pa departamentu di skola, di akordu ku ses enderesu. Alunus ki ta viaja di autokaru sta privistu bai skola na autokaru tudu dia. Si ten algun mudansa na es planus i bu fidju ka sta uza autokaru pa bai skola, pur favor notifika profesor di sala di bu fidju pur eskrito. Si bu teni algun mudansa di ultima ora na planus i bu ka konsigi manda un karta, pur favor txoma MÁS TARDAR di 1:30 di tardi asin pa nu pode garanti siguransa di bu fidju. Sen notifikason adikuadu ô a tenpu, pode ser nisisáriu poi bu fidju na se autokaru regular di skola. Bai skola na autokaru é un priviléjju. Ta speradu ki tudu alunus ta obedese kondutor di autokaru i kunpri regras di siguransa di autokaru. Kazu kontráriu ta rizulta na perda di priviléjju di uza autokaru di skola, purtantu pur favor rienforsa regras di autokaru di skola ku bu fidju. Na alguns kazu pode ranjadu paraji di autokaru alternativu. Pur favor kontakta skola pa más informason.

Kanselason di aulas: Di vez en kandu é nisisáriu kansela aulas pamodi klima ô imerjências di skola. Pur favor fika sienti na anúnsiu ki ta da-du sobri kanselamentu di kada skola di SKOLAS PUBLIKUS DI BOSTON.

Notas/Boletin di Notas: Boletin di notas ta da-du tres bes pa ano na dizenbru/janeru, marsu i junhu. Profesores di series 6-8 ta manda Relatórius di Prugresu di meio-trimestri pa casa. Pur favor lê i sina relatóriu i divolve-l pa skola na dia siginti. El ta podu na arkivus di bu fidju.

Informason Mediku/di Saúde: Ta mantedu un registro di saúde pa kada kriansa. Alunus matrikuladu na Skolas Publikus di Boston debe faze un izami fíziku. Leis di Massachusetts tanbé ta iziji ki bu fidju teni tudu vasinás izijidu inkluidu kel kontra varisela. Si bu ka sigi es leis li, el pode rezulta na bu fidju ka dexa-du frequenta skola. Nu

ten dós enfermerus komu parti di pesoal di skola ki pode apoia famílias ku nisisidadis medikus.

Keilah Santana:

Ksantana@bostonpublicschools.org

April Pumphret:

apumphret@bostonpublicschools.org

Skolas Publiku di Boston ta fla ma medikamentus (inkluindu bonba di asma) ka pode ser administradu pa un alunu durante dia di skola sen deklarason pur eskrito di un doktor, i el debi ser adiministradu pa un enfermera registado. Uniku excepcion é un injeson di kaneta (epi-pen), ki pode ser adiministradu pa un funsionáriu trenadu en kazu di imerjensias. Es informason debi ser lebadu a atenson di nos enfermera di skola, i tanbé profesores di homeroom. Tanbé nu ta rekomenda ki pais avisa profesores di sala sobri kalker problemas di saúde atual i pasadu (iz: alerjias, asma, etc).

Observa: un kriansa ki ten asma pode toma se propri inalador si es ten un notifikason pur eskrito di ses doktor i si es é trenadu di forma adikuadu.

É mutu inportanti ki skola sabe kenha ki es debi kontakta en kazu di imerjensia. Sertifika ki skola teni numeru di telefoni atualizadu di bu kontatu di imerjensia.

Regras sobri Piódju: Curley ta sigui rekomendason pa lida ku piódju diskritu pa Departamento di Enfermaria di BPS. Si un administrador atxa piódju na un alunu ô si pais/enkarregadu kumunika pa skola ma alunu teni piódju, enfermera di skola ta ser avizadu logu. Enfermera ta kontakta família di kriansa pa informa-s i/ô partilha rekomendason pa tratamentu. Kriansa KA TA tradu di sala di aula i ka ta djobedu kabesa di tudu alunus. Nu entantu, pode manda-du un avizu jeral pa casa di famílias na turma di kel kriansa pa otus pais pode fika vijilanti ku ses propi fidjus.

Pulitika di Curley K-8 sobri Selebrason i

Pulitika di Rekompensa: Desdi janeru di 2017, komunidadadi di Curley K-8 implementa un Selebrason i Pulitika di Rekompensa ku foku na saúde i bem-estar di nos kominidadi. Es pulitika ta uza ferramentas pa susesu akadémiku pa rekonhesi iventos inportantis, konportamentu excepsional i trabadju di ekipa na lugar di komida ô dropis.

Pamodi ki nu mesti es pulitika?

- Numeru di alunus ku alerjias putensialmenti fatal pa sertus kumidas (nozes, soja, ovo etc.) sta ta aumenta na populason jeral i na skola Curley K-8.
- Insidensia di obesidadi infantil sta ta atinji pruporson epidemikas na Stádus Unidus.
- Skolas é lugares di extraordinária influensia na disenvolvimentu di padrons di alimentason pa vida. Inxina kriansas sobri faze skodja di alimentos saudável é un parti inportanti di ses edukason ki es ta uza pa tudu ses vida.
- Selebrason i rekompensa ta tra tenpu di apredizagen

Kuze ki BPS ta fra sobri selebrason i uzu di komida komu rekompensa?

Pulitika di Selebrason i Rekompensa di Skola Curley K-8 sta alinhadu ku pulitika di nutrison di Skolas Publikas di Boston i ta enkoraja alternativas não alimentares pa arrekadason di fundus, rekompensas i reforsus pa alunus, festas na skolas i selebrasons na sala di aula. Pulitika di BPS tanbé ta apoia mensajens di enkorajamentu di saúde i bem-estar ki ten un inpaktu puzitivo na saúde.

Modi ki keli ta ser abordadu na skola Curley K-8?

Selebrason – Na skolas Curley K-8 selebrason (feriados, aniversários, i fin di ano etc.) ta ser selebradu na sala di aula sen kumida/dropis, pur favor fala ku profesor di bu fidju sobri forma ki es ta selebra aniversários.

Pode ten raros okasion undi profesores ô salas di aulas ta disidi selebra un feriadu spesial na sala di aula ku un potluck etc. Kes iventos li é oportunitadadi pa mostra nos studantes abitos saudáveis di alimentason, nu ta traze frutas i vegetais pa konpartilha.

Rekompensa Alunus – Na skola Curley K-8 konportamentu excepcional i ô trabadju di ekipa ta ser rekompensadu sen komida/dropis.

Komunidadadi di skola Curley K-8 ta atxa ma sigi es pulitika é nos dimonstrason ki nu ta inporta ku nos komunidadadi, promovi abitos di alimentason saudável i maximiza susesu di alunus!

Pulitika di klima: En alinhamentu ku rekomendason di Departamento di Enfermaria di BPS i regras di akreditason di NAEYC, Curley stablesi kes sigintis kritérius pa intervalu na rua, uzandu “Child Care Weather Watch” komu un orientason. Alunus ta bai pa rua durante rikreiu i

edukason fizika senpri ki pusível. Uniku excepsons ta inklui:

- Txuba forti, rilánpagu ô granizu
- Jelu ki ta kubri maior parti di parki/lugar di brinka
- Tenpu friu ki ta kai baxu di 30 grau ku un bentu forti di 15 MPH ô más altu
- Tenpu kenti ki ta subi más altu ki 90 grau ku un umidadadi relativu di 60 ô más.

Alunus PODE bai pa fora di sala di aula oras ki nevi kai desdi ki linpadu un lugar adikuadu pa es pode brinka.

Tudu alunus ta enkorajadu pa ses profesores pa bisti di forma apropiadu pa brinka i pa actividadis na rua. Kazu es ka sta bistidu di forma apropiadu, es ka ta dexa-du sai pa garanti ses saúde i siguransa. Turma intéru KA TA FIKA dentu sala só pamodi alguns alunus ka sta bistidu di forma apropiadu. Kontudu, Curley senpri ten ki garanti ki ten supervizon sufisienti na tudu lugares tudu ora.

kazu ten kapasidadadi limitadu di funsionárius pa superviza, ta fazedu excepson di kel pulítika di riba.

Prátikas Inkluzivu: Skola Curley ten un populason diversifikadu. Nu ta resebi tudu alunus na nos kumunidade i nu ten programas spesisfiku pa apoia un grandi variedadi di aprendizes. Pa pode garanti ki tudu alunus é kapaz di ten asésu a kurikulu i ser ben susedisu, Curley ta uza un konjuntu di stratéjias inkluidu instruson diferensiadu i atribuison stratéjiku di pesoal adultu pa apoio ô dezafia alunus di forma personalizadu. Curley inda ta uza un konjuntu di ferramentas pa djuda alunus ten asesu a kurikulu i regula ses konportamentu inkluidu brinkedus (fidget toys), koletis di pezu, almufadas di kadera spesializadu, etc. Si profesor di sala di aula sta uza alguns di kes rekursus ku ses fidju, el/ela ta komunika keli ku nhos pa garanti kontinuidadi i aumenta susesu.

Apoia Konportamentu Puzitivus &

Responsabilidadadi: Funsionárius di Skola Curley sta konprometidu a disenvolve un klima eskolar siguru i di apoio i aborda konportamentu di alunus di formas justu i puzitivu, alinhadu ku nos três valoris prinsipal: Nu ta Kuida di Nos Kabesa, Nu ta PREOKUPA Ku Kunpanhéru, Nu ta Kuida di Nos Skola. Na Curley, nu ta uza strutura di Apoio &

Intervenson di konportamentu Puzitivu (PBIS, pa ses siglas na inglês) pa kumunika di forma konsistenti, spektativas ki nu ten pa konportamentu di alunus, selebra susesu di alunus na sala di aula i na tudu nos kumunidade eskolar i responzabiliza alunus a difende nos valores fundamental. Pa apoia es strutura, nu ta implementa un kurríkulu sosio-emusional pa tudu skola ki ta integra pratikas ki ta inxina abilidadis i stratéjias nisisárius di forma explísitu pa apoia ses disenvolvimentu sosio-emusional i fumenta respetu pa diferensas umanu.

Ten en konta ki, asvez, oras ki un alunu sta passa pa un mumento txeu difísil na turma, nu pode pidi un menbru di ekipa di Lideransa pa bai pa sala di aula pa apoia-l. Asvez es apoio ta kontise direktamenti na sala di aula ô na koredor fora di sala. Kazu un kriansa é ka kapaz di volta pa normal na sala di aula, el pode ser akonpanhadu pa un “buddy classroom” (konpanheru di sala) pa toma un pausa supervizionadu, involve en actividadis ki ta djuda-l kalma, rifleti i trabadja na abilidadis pa apoia preparason pa sala di aula. Nhos fika ta sabe ma nos prinsipal objetivu é pa tudu kriansas sta na un ambienti di aprendizagen na se sala pa más tenpu di dia pusível. Alen disu, tudu pulítikas ki nu ta implimenta sta alinhadu ku Kódigu di Konduta di BPS. Finalmenti, nhos lenbra ma TUDU funsionárius é denunsiantes mandatadus. Kazu un kriansa relata algun kuza pa un menbru di pesoal di Curley relasionadu ku se siguransa pesoal dentu ô fora di skola, nu pode ser obrigado a relata kel informason li pa agencias responsavel.

Bullying: Curley ta sigui pulítika di bullying di BPS. Bullying é difinidu komu amiasas fíziku, verbal, relasional ô pa internet ki rípitida vez ta inpo na un relason undi ta izisti un dizikilífriu persebedu di puder. Si un pai/mãe, kriansa ô profesor relata un pusível situason di bullying, korpu dosenti di Curley é obrigado a kumunika es informason pa administrason/funsionários di akonselhamentu di skola. Kel insidenti ta ser invistigadu i relatadu a distritu i pais ta ser avisadu sobri midida ki foi tomadu. Nu ta ruspeta konfidensialidade di alunus i famílias involvedu. Pais tanbé ten opson di relata un insidenti suspeitu di bullying pa Linha Direta di Bullying di BPS: 617-592-2378.

Pulítika di Uzu di Telemóvel: Pur favor nota ma Skola Curley ta sigi Pulítika di BPS en relason a

uzu di telemóvel na skolas. Nhora nu ka ta enkoraja famílias a manda ses fidju pa skolas ku telemóvel, nu ta intendi ma asves el é nisisáriu pa kumunikason antis i dipos di skola. Telemóvel pesoal di alunus debe ser da-du pa profesor di sala na inísiu di dia i profesores ta entrega movel pa alunu na fin di dia i/ô telemóvel ten ki fika na saku di alunu dia interu. *Alunus ka debe sta ta uza ses telemóvel pesoal ô teni-s na ses meza ô ku'es na kalker mumento durante dia di skola.* Alunus ki viola es pulítika ta pididtu pa intrega movel pa profesor di sala i pais ta ser avisadu. Si un alunu kontinua ta viola es regra, el pode ser disiplinadu. Nu ta agrade se bu apoiu i koperason ku es pulítika.

Teknolojia: Skola Curley ta furnesi teknolujia inklusivi Google Chromebooks na sala di aula pa ilimina baréras i apoia tudu alunus pa es ten asesu a padrons i kurríkulu disafiadores ku uzu di prinsípui di Konseson Universal pa Aprendizajen (UDL, pa ses siglas na inglês). Na kes nível basico, alunus normalmenti ta uza teknolujia durante ora di sentru pa reforsa konseitus basicos ô pa modifikasons. Na kes nível más altu, alunus ten asesu a teknolujia pa apoia aprendizajen na tudu árias téknikas, inkluíndu uzu di Google Classroom i aplikativos ki ta apoia google.

Pur favor nota ma BPS adota teknolujia google na sidadi interu komu nos prinsipal sistema di informason pa alunus i funsionáriu. Keli ta signífika ma distritu ta da TUDU alunus di BPS un inderesu di email oras ki es matrikula. Komu un skola, nu ta ativa i uza enderesu di email pa alunus na K-8 serie pa permiti-s asesu a aplikativos di google. Pais di kriansas na kes series li ta resebi notifikason pur eskritu sobri kel li inkluíndu nomi di usuario i palavra passe spisífiku di ses fidju.

Skolas Publikus di Boston tanbé ten un Kanpanha di Siguransa virtual ki ta fala sobri modi ki bu pode djuda bu fidju uza email di forma siguru na casa. (<http://www.bpscybersafety.org/fresources/email.html>). Un otu grandi rekursu rekomendadu pa BPS é www.common sense media.org (registro gratuítu nisisáriu). Nu ta monitora atividadi di alunu na skola, más é inportanti ki famílias sta sienti i tanbé sta monitora atividadis online di ses fidju, inkluíndu uzu di email na casa.

Trabadju di Casa: Trabadju di casa é un parti integral di prusesu di aprendizajen kontínuo i dja nu kria un pulítika ku sugeston di famílias i profesores. Es pulítika é konsistenti pa tudu nível (K-2, 3°-5° & 6°-8°). Ekipas di nível eskolar ta ben ten un planu konsistenti pa distribui trabadju di casa, rekolha i konteúdu.

Krensas sobri trabadju di casa:

- Trabadju di casa debe ser asosiadu ku abilidadis i kapasidadis ki foi disenvolvídu durante dia/semana di aula.
- Ideia sentral é ki studa na casa ta prumove koperason entre casa-skola, reforsa konteúdu inxinadu i instila funsionamentu izekutivu, geston di tenpu i abilidadis di responsabilidadi.
- Trabadju di casa nunca ka debe kauza ansiedadi na alunus ô altu nível di frustason. Si bu fidju sta txora enkuantu el sta faze trabadju di casa pamodi el teni difikuldadi pur favor manda un nota, txoma ô manda un email pa profesor.

Dibaxu sta pulítika pa kada nivel di serie:

- Alunus na series K2-2 ta ten 15 minutus di leitura di noti i más 15 minutus di Matemátika ô ELA. Un total di 30 minutus maximu di trabadju di casa tudu noti. Nu ta enkoraja keitura na fin di semana.
- Alunus di 3°-5° serie ta ten 15 minutus di leitura di noti i más 15 minutus di Matemátika, ELA i ô siensia. Un total di 45 minutus maximu di trabadju di casa tudu noti. É izijidu leitura na fin di semana.
- Alunus di 6°-8° serie ta ten 20-30 minutus di leitura di noti i más 30-40 minutus di Matemátika, ELA, Studus Sosial i/ô Siensia. Un total di 60 minutus maximu di trabadju di casa tudu noti. Leitura na fins di semana é nisisáriu i pode ten trabadu di prujetu di longu prazu ki debe ser fetu na fins di semana tanbé.

Trabadju di casa durante ferias:

- Alunus ka ta ten trabadju di casa obrigatóriu durante ferias di dizenbru, fevereru ô abril. Si nu manda trabadju pa casa el ta ser konsideradu pa kréditu extra na kel periúdo. Más ta ten leitura ki ten ki ser fetu na veron

ki é obrigatório pa tudu alunas na K-8 di julhu a agostu.

Orientason pa Pais:

- Faze trabadju di casa un prioridadi.
- Toma interesi na kuza ki bu fidju sta faze.
- Disponibiliza un lugar ketu pa bu fidju faze trabadju di casa.
- Pidi bu fidju pa entrega trabadju di casa na ora.
- Orienta i supervizion-a-s, más ka bu faze trabadju di casa di bu fidju.
- Enkoraja bu fidju pa vizita biblioteka.
- Lê en voz altu pa bu fidju i pidi kes fidjus más grandi pa lê pa kes más novu.
- Djuda bu fidju ekilibra se trabadju di casa ku ses atividadis fíziku i di lazer.

Runion entre Pais-Profesor: Tudus pais sta privistu partisipa na Sesson Abertu na dia **30 di setenbru di 5:00-7:00 di tardi** pa enkontra ku profesor di ses fidju i pa obi pulítikas i prusidimentus inportanti di sala di aula. Konferéncias pa alunas di kada familias ta ser realizadu na fin di dizenbru-janeru. Familias pode pidi profesor di ses fidju si es kre faze un konferensia adisional. Konferensias individual pode ser realizadu en pesoa, na ZOOM ô atraves di telefoni, konformi familias ta deseja. Profesores ta kontata familias di alunas ki ka sta faze progresu pa marka un konferensia individual ku'es.

Programa di veron: Tudus veron BPS ta oferese un konjuntu di programas, tantu akadémiku komu di enrikisimentu, pa alunas na series K0-8. Nos Orientadores Akadémikus ta manda nhos informason sobri oportunitadís di programas na veron na i en volta di distritu na inísiu di primavera. Pa más informason sobri oportunitadís di aprendizagen na veron pur favor kontakta **Cristina Silva - K-2:** csilva4@bostonpublicschools.org

Justina Levey - 3-5:

jlevey@bostonpublicschools.org

Sugeily Santos- Seris 6-8

ssantos2@bostonpublicschools.org

Konsedju di Pais di Skola (SPC):

Konsedju di Pais di Skola Curley ta trabadja ku Diretora pa kria un kumunidade eskolar inklusivo, apoia iventus na skola interu i angaria fundus pa prioridadís dileniadu pa Konsedju Local di Skola. Konsedju ta reúni tudus més. Datas i oras ta varia.

Tudu pais é automatikamenti menbrus di SPC i enkorajadu a partisipa.

Konsedju Local di Skolar (SSC):

Konsedju Local di Skola (SSC) é konstituídu pa pais, profesores i Diretora. Papel di ekipa é di jeri funsionamentu di skola inklúisive aprovason di orsamentu di skola, adota pulítikas i kria parserias ku kumunidade i universidadís. Eleisons di reprizentantis di Konsedju Local di Skola i reprizentantis di Konsedju di Pais foi realizadu na junhu di 2021 pa nu podia kumesa logu ta funsiona. Bu teni perguntas sobri Konsedju di Pais di Skola (SPC) i Konsedju Local di Skola (SSC)? Bu sta pensa na kuandu/modi ki bu pode partisipa? Entra en kontatu ku kes tres-presidentes di nos SPC Keeana Saxon, Jess Ortham i Abe Ahumada spc@curleyk8.com.

Voluntários Pais/Enkarregadu: Pais é enkorajadu pa sirbi komu voluntários na Curely pamodi senpri nu ta mesti di voluntários. Nu ta rekonhesi ma ten diferentis maneras ki pais pode kontribui pa nos kumunidade. Alguns des ta inklui:

- Sirbi komu voluntários na programa Antis/ Dipos di skola
- Sirbi komu voluntários di sala di almosu/ Pátio di Skola
- Sirbi komu voluntários di Sala di Aula
- Sirbi komu akonpanhanti na Vizitas di Studu
- Oferese pa faze tradusons i ô sirbi komu interpretes
- I MUTU MÁSI!!!

Pa razons di siguransa pais/enkarregadus debi kompleta i passa un verifikason di antisidentis CORI/SORI antis di sirbi komu voluntários.

Livros ditatikus: Livros ditatikus i otus livros di skola ta enpristadu pa alunas di grasa. Livros ten di ser tratadu ku kuidadu i divolvedu pa skola en bon stado. Pais ta ser responsavel pa paga pa livros ki ses kriansas perde ô straga.

Vizitas di Studu: ta ten oportunitadís pa alunas partisipa na atividadís fora di skola. N'es kazu li, pais ten di lê i sina un papel di autorizason ditalthadu. Ka ta permitidu ninhun alunu pa partisipa na vizitas di studu sen autorizason pur eskrito di

pais ô un izami fiziku atualizadu. Telefonemas i mensajens di testo é *ka* substitutu aseitável di autorizason. Pais/enkarregadus/familias ki kre sirbi komu un akonpanhanti na un vizita di studu DEBE prienxi i pasa CORI/SORI i ten pelu menus 18 ano di idadi.

Informason di Imerjensia: Nu ta manti konfidensial registro di imerjensias di tudu alunus. É di grandi inportansia ki skola ten un numeru di telefoni atualizadu pa kada kriansa, i tanbé nomi i numeru di telefoni di pelu menus un otu responsavel adultu ki pode ser kontaktadu en kazu di imerjensia.

- Guia di familia di BPS inkluidu komunikadu di inprensa na <https://www.bostonpublicschools.org/familyguide>
- Formuláriu di akordu entre pais i alunus, inkluidu mídia, pode ser prienxidu online na [BPS Emergency Contact](#). Bu pode atualiza bu kontaktu di imerjensia di família li. Kurriji informason di kontaktu ta ser issensial durante es tenpu.

Agentes di ligason di familias: Familias pode kontata nos agentes di ligason di familias, Veronica Robson pa vrobson@bostonpublicschools.org

PAKTU KUMUNITÁRIU DI CURLEY

ALUNUS, FAMÍLIAS, PROFESORES I ADIMINISTRADORIS TA TRABADJA DJUNTU

NU TA KUIDA DI NOS KABESA, NU TA PREOKUPA KU KUNPANHÉRU, NU TA KUIDA DI NOS SKOLA #CURLEYCARES

KOMU UN ALUNU DI CURLEY:

- N TA KONTRIBUI PA KONSTRUI UN KULTURA SOLIDARIA TENDU EN KONTA SPEKTATIVAS; *NU TA KUIDA DI NOS KABESA, NU TA PREOKUPA KU KUNPANHÉRU, NU TA KUIDA DI NOS SKOLA.*
- N TA FREQUENTA SKOLA REGULARMENTI, TXIGA NA ORA I PRONTU PA PRENDE.
- N TA AKRIDITA MA N PODE TEN SUSÉSU I N TA STABELESÍ SPEKTATIVAS ALTU PA NHA KABESA.
- N TA PARTISIPA ATIVAMENTI NA PRUSESU DI APRENDIZAGEN; SENPRI TA TENTA NHA MIDJOR I TA ENKORAJA NHAS KOLEGAS A FAZE MESMU KUZA.

KOMU UN MENBRU DI FAMÍLIA/ENKARREGADU DI CURLEY:

- N TA KONTRIBUI PA KRIA UN KULTURA DI KUIDADU, MANTENDU SPEKTATIVAS: *KUIDA DI NOS KABESA, PREOKUPA KU KUNPANHERU, I KUIDA DI NOS SKOLA.*
- N TA ASIGURA KI NHA FIDJU TA BAI SKOLA REGULARMENTI, TXIGA NA ORA I BAI PRONTU PA PRENDE.
- N TA KUMUNIKA NHA KONVIKSON MA NHA FIDJU TA SER BEN SUSEDIDU I N STABELESÍ SPEKTATIVA ALTU PA APOIA APRENDIZAGEN DI NHA FIDJU.
- N TA FAZE PARSERIA KU PROFESORES I ADIMINISTRADORES PA INTENDE OBJETIVUS DI APRENDIZAGEN DI SKOLA INTERU I DI TUDU NÍVEL PA-M INTENDE MODI KI-M PODE APOIA APRENDIZAGEN NA CASA.

KOMU UN PROFESOR DI CURLEY:

- N TA KONTRIBUI PA KRIA UN KULTURA DI KUIDADU, MANTENDU SPEKTATIVAS: *KUIDA DI NOS KABESA, PREOKUPA KU KUNPANHERU, I KUIDA DI NOS SKOLA.*
- N TA INVOLVE NA KUMUNIDADÍ CURLEY I ABRASA INISIATIVAS NA SKOLA INTERU.
- N TA STABELESÍ ALTU SPEKTATIVA PA TUDU ALGEN I AKRIDITA MA TUDU ALUNUS TA TEN SUSESU.
- N TA FORMA PARSERIA KU FAMÍLIAS NA EDUKASON DI SES FIDJU.

KOMU UN ADIMINISTRADOR DI CURLEY:

- N TA KONTRIBUI PA KRIA UN KULTURA DI KUIDADU, MANTENDU SPEKTATIVAS: *KUIDA DI NOS KABESA, PREOKUPA KU KUNPANHERU, I KUIDA DI NOS SKOLA.*

- N TA STABELESE SPEKTATIVA ALTU PA TUDU ALUNUS, FAMÍLIAS, PROFESORES, ADIMINSITRASON I PARSERUS KUMUNITÁRIUS.
- N TA FUMENTA UN AMBIENTI INKLUZIVU KI TA SELEBRA DIFERENSAS DI ALUNUS I FAMÍLIAS.
- N TA DISPUBILIZA OPORTUNIDADIS INPORTANTIS PA FAMÍLIAS ENVOLVI NA SKOLA I NA EDUKASON DI SES FIDJU.

PUR FAVOR SINA DIBAXU I DIMONSTRA MA BU STA DI AKORDU KU ES PAKTU.

ALUNU DI CURLEY

MENBRU DI FAMÍLIA CURLEY

KATHERINE GRASSA

PROFESOR DI CURLEY

ADIMINISTRADOR DI CURLEY